

YSGOLION YR 21AIN GANRIF

Lleoedd ysgolion cynradd i wasanaethu Cathays a rhannau o Gabalfa, y Mynydd Bychan, Ystum Taf a Phlasnewydd

DOGFEN GRYNHOI 2023

Y CYFNOD YMGYNGHORI:
3 MAI 2023 – 30 MEHEFIN 2023



Gellir darparu'r crynodeb hwn mewn Braille

Nid y ddogfen ymgynghori yw hon

Mae'r ddogfen ymgynghori ar gael yn:

www.caerdydd.gov.uk/YsgolionCynraddCathaysaGabalfa

Cysylltwch â ni ar 029 2087 2720 er mwyn trefnu hyn.





Beth yw pwrpas y llyfryn hwn?

Mae Cyngor Caerdydd yn cynnig newidiadau i ddarpariaeth yr ysgolion cynradd sy'n gwasanaethu Cathays a rhannau o Gabalfa, y Mynydd Bychan, Ystum Taf a Phlasnewydd.

Fersiwn gryno o'r ddogfen ymgynghori ar y newidiadau hyn yw'r llyfryn hwn. Gallwch weld y ddogfen ymgynghori lawn yn www.caerdydd.gov.uk/YsgolionGynraddCathaysGabalfa

Yr ysgolion y gallai'r newidiadau effeithio arnynt yw Ysgol Gynradd Allensbank, Ysgol Gynradd Gladstone, Ysgol Gynradd yr Eglwys yng Nghymru Santes Monica ac Ysgol Mynydd Bychan

Rydym yn cynnig newidiadau i'r ffordd mae'r ysgolion cynradd cyfrwng Saesneg yn cael eu trefnu. Mae gan ysgolion lleol cyfrwng Saesneg nifer uchel o leoedd gwag yn gyffredinol. Byddai nifer y lleoedd ar gyfer ysgolion cynradd cymunedol cyfrwng Saesneg yn aros yr un fath neu'n gostwng ychydig. Byddai digon o leoedd o hyd yn gwasanaethu'r ardal i blant sydd ar hyn o bryd yn mynychu neu am fynychu'r ysgolion cyfrwng Saesneg yn y dyfodol.

Rydyn ni hefyd am gynyddu nifer y lleoedd cynradd cyfrwng Cymraeg yn yr ardal drwy ehangu Ysgol Mynydd Bychan. Mae'r ysgol yn llawn ar hyn o bryd.

Byddai'r Cyngor yn cadw'r holl adeiladau a safleoedd presennol. Byddai hyn yn caniatáu hyblygrwydd yn y dyfodol, pe bai poblogaethau'n cynyddu.

Rydym am i bawb ddeall yr hyn sy'n cael ei gynnis, fel y gallwch ddweud wrthym beth yw eich barn am y newidiadau.

Beth rydyn ni'n cynnig ei wneud?

Mae'r Cyngor yn awgrymu tri opsiwn i ad-drefnu ysgolion yn yr ardal.

Mae'r tabl Opsiynau yn dangos y newidiadau a gynigir. Byddai'r newidiadau'n cael eu rhoi ar waith o fis Medi 2025.

Opsiwn	Ysgolion	Cynnig
Opsiwn 1	Ysgol Gynradd Allensbank ac Ysgol Gynradd Gladstone	<p>Cyfuno Ysgolion Cynradd Allensbank a Gladstone, drwy</p> <ul style="list-style-type: none"> o Gau Ysgol Gynradd Allensbank yn ffurfiol o Cau Ysgol Gynradd Gladstone yn ffurfiol. o Sefydlu ysgol gynradd cyfrwng Saesneg newydd â 420 o leoedd gyda meithrinfa ar y safle presennol a rennir rhwng Ysgol Gynradd Gladstone / Ysgol Gynradd yr Eglwys yng Nghymru y Santes Monica.
	Ysgol Gynradd yr Eglwys yng Nghymru y Santes Monica	<p>Trosoglwyddo Ysgol Gynradd Allensbank i safle presennol Ysgol Mynydd Bychan.</p> <p>Sefydlu meithrinfa yn yr ysgol</p>
	Ysgol Mynydd Bychan	<p>Trosoglwyddo Ysgol Mynydd Bychan i safle presennol Ysgol Gynradd Allensbank</p> <p>Cynyddu capasiti Ysgol Mynydd Bychan o 192 o leoedd i 420 o leoedd.</p> <p>Cynyddu nifer y lleoedd meithrin yn Ysgol Mynydd Bychan o 64 i 96</p>

Opsiwn	Ysgolion	Cynnig
Opsiwn 2	Ysgol Gynradd Allensbank ac Ysgol Gynradd Gladstone	<p>Cytleoli Ysgolion Cynradd Allensbank a Gladstone ar safle a rennir, drwy:</p> <ul style="list-style-type: none"> o Drosoglwyddo Ysgol Gynradd Allensbank i'r safle presennol a rennir rhwng Ysgol Gynradd Gladstone / Ysgol Gynradd yr Eglwys yng Nghymru y Santes Monica. o Lleihau nifer y lleoedd yn Ysgol Gynradd Allensbank o 315 o leoedd i 210. o Newid ystod oedran Ysgol Gynradd Allensbank o 3-11 oed i 4-11 oed trwy derfynu darpariaeth feithrin yr ysgol. o Cynyddu nifer y lleoedd meithrin yn Ysgol Gynradd Gladstone o 64 i 96.
	Ysgol Gynradd yr Eglwys yng Nghymru y Santes Monica	<p>Trosoglwyddo Ysgol Gynradd Allensbank i safle presennol Ysgol Mynydd Bychan.</p> <p>Sefydlu meithrinfa yn yr ysgol</p>
	Ysgol Mynydd Bychan	<p>Trosoglwyddo Ysgol Mynydd Bychan i safle presennol Ysgol Gynradd Allensbank</p> <p>Cynyddu nifer y lleoedd yn Ysgol Mynydd Bychan o 192 o leoedd i 420.</p> <p>Cynyddu nifer y lleoedd meithrin yn Ysgol Mynydd Bychan o 64 i 96</p>

Beth rydyn ni'n cynnig ei wneud?

Opsiwn	Ysgolion	Cynnig
Opsiwn 3	Ysgol Gynradd Allensbank	Trosglwyddo Ysgol Gynradd Allensbank i safle presennol Ysgol Mynydd Bychan Lleihau nifer y lleoedd yn Ysgol Gynradd Allensbank o 315 o leoedd i 192 o leoedd.
	Ysgol Mynydd Bychan	Trosglwyddo Ysgol Mynydd Bychan i safle presennol Ysgol Gynradd Allensbank Cynyddu nifer y lleoedd yn Ysgol Mynydd Bychan o 192 o leoedd i 420. Cynyddu nifer y lleoedd meithrin yn Ysgol Mynydd Bychan o 64 i 96



Sut gallaf ddysgu mwy?

Mae'r ddogfen hon yn rhoi crynodeb o'r newidiadau rydym yn eu hawgrymu. Mae'n esbonio'r rhesymau dros y cynnig a beth fyddai'n digwydd pe bai'r penderfyniad yn cael ei wneud i gau.

Mae'r manylion llawn i'w gweld yn y Ddogfen Ymgynghori yma:

www.caerdydd.gov.uk/YsgolionGynraddCathaysGabalfa

Rydym wedi trefnu cyfarfod cyhoeddus a sesiynau galw heibio y gallwch fynd iddynt os hoffech chi i ni esbonio'r newidiadau awgrymedig i chi ac i chi ofyn cwestiynau. Mae'r rhain wedi'u rhestru isod.

Dyddiadau Cyfarfodydd Ymgynghori		
Natur yr Ymgynghoriad	Dyddiad / Amser	Lleoliad
Sesiwn galw i mewn	Dydd Llun 15 Mai 2023 2:30pm – 4:30pm	Llyfrgell Cangen a Threftadaeth Cathays
Sesiwn galw i mewn	Dydd Iau 25 Mai 2023 9am – 11am	Llyfrgell Cangen a Threftadaeth Cathays
Sesiwn galw i mewn	Dydd Mercher 07 Mehefin 2023 5pm – 7pm	Llyfrgell Cangen a Threftadaeth Cathays
Sesiwn galw i mewn ar-lein	Dydd Mawrth 09 Mai 2023 9.00am – hanner dydd	Microsoft Teams
Sesiwn galw i mewn ar-lein	Dydd Mercher 17 Mai 2023 9.00am – hanner dydd	Microsoft Teams
Sesiwn galw i mewn ar-lein	Dydd Llun 05 Mehefin 2023 1.30pm – 4pm	Microsoft Teams
Sesiwn galw i mewn ar-lein	Dydd Iau 08 Mehefin 2023 1:30pm – 4pm	Microsoft Teams
Cyfarfod cyhoeddus (yn Saesneg)	Dydd Iau 18 Mai 2023 6:15pm – 7:40pm	Canolfan Gymunedol Cathays
Cyfarfod cyhoeddus (yn Gymraeg)	Dydd Iau 25 Mai 2023 6:15pm – 7:40pm	Canolfan Gymunedol Cathays
Cyfarfod cyhoeddus ar-lein	Dydd Iau 08 Mehefin 2023 6pm – 7:30pm	Microsoft Teams

Bydd y Cyngor hefyd yn cwrdd â staff a Chyrff Llywodraethu pob un o'r ysgolion dan sylw.

Sut gallaf roi fy marn?

Gallwch gyflwyno eich barn drwy

- fynychu cyfarfod cyhoeddus neu sesiwn galw heibio. Os hoffech fynychu sesiwn ar-lein / cyfarfod cyhoeddus ar-lein, cysylltwch â ni trwy e-bost: ymatebionysgolion@caerdydd.gov.uk gan gadarnhau pa sesiwn yr hoffech ei mynychu ac fe anfonwn ddolen atoch a chyfarwyddiadau am sut y gallwch gael mynediad i'r cyfarfod.
- cwblhau'r ffurflen ymateb electronig sydd i'w chael yn www.caerdydd.gov.uk/YsgolionGynraddCathaysGabalfa
- argraffu a llenwi'r ffurflen ymateb i'r ymgynghoriad, y gallwch ddod o hyd iddo yn www.caerdydd.gov.uk/YsgolionGynraddCathaysGabalfa
- a dychwelyd y ffurflen drwy'r post i Ystafell 401, Neuadd y Sir, Caerdydd, CF10 4UW
- ysgrifennu at y tîm Cynllunio Trefniadaeth Ysgolion drwy e-bost ymatebionysgolion@caerdydd.gov.uk neu drwy'r post i Ystafell 401, Neuadd y Sir, Caerdydd, CF10 4UW. Gall hyn gynnwys gofyn i swyddog ffonio'n ôl os oes gennych gwestiwn penodol y teimlwch yr hoffech gael rhagor o wybodaeth amdano.

Nodwch fod rhaid i bob gohebiaeth ysgrifenedig neu drwy e-bost gynnwys enw llawn a chyfeiriad llawn y person sy'n cyflwyno'r sylwadau.

Y dyddiad cau ar gyfer cyflwyno ymatebion i'r ymgynghoriad yw **Dydd Gwener 30 Mehefin 2023**.

Yn anffodus, ni fyddwn yn gallu ystyried unrhyw ymatebion i'r ymgynghoriad a dderbynnir ar ôl y dyddiad hwn.



Pam rydyn ni'n cynnig y newidiadau hyn?

Ymrwymadau 'Cryfach, Tecach, Gwyrddach' Caerdydd i ddysgwyr

Mae dogfen 'Cryfach, Tecach, Gwyrddach' y Cyngor yn ymrwmo'r Cyngor i gefnogi dysgwyr mwyaf agored i niwed Caerdydd. Mae hyn yn cynnwys plant mewn gofal, y rhai sy'n derbyn addysg heblaw yn yr ysgol a phlant o'r cymunedau mwyaf difreintiedig. Mae'r Cyngor yn datblygu rhaglen Ysgolion â Ffocws Cymunedol ac yn hyrwyddo manteision dwyieithrwydd. Mae'r rhaglen yn ceisio ehangu'r nifer sy'n manteisio ar addysg Gymraeg yn unol â strategaeth Cymraeg 2050 Llywodraeth Cymru.

- Rhaid i'r Cyngor sicrhau bod cydbwysedd priodol yn y nifer a mathau o leoedd ysgol sy'n gwasanaethu pob ardal.
- Rhaid hefyd bod lefel gynaliadwy o leoedd gwag.
- Rhaid i bob darpariaeth ysgol sy'n cael ei chynnig ddiwallu anghenion amrywiol y cymunedau y maent yn eu gwasanaethu.
- Rhaid i'r Cyngor hefyd wneud y mwyaf o botensial ei staff addysgu a dysgu er mwyn sicrhau bod eu doniau'n cael eu defnyddio yn y ffordd orau, a thrwy hynny sicrhau'r effaith fwyaf ar gyfleoedd dysgwyr a deilliannau pawb.

Newidiadau yn y boblogaeth ledled y ddinas

Ers 2017/18, mae gostyngiad parhaus wedi bod yn y gyfradd genedigaethau, a newidiadau i batrymau mudo yn y ddinas. Mae hyn yn golygu bod rhagamcan y bydd y nifer sy'n mynd i addysg gynradd ledled y ddinas yn lleihau'n sylweddol tan o leiaf Medi 2025. Fodd bynnag, nid yw newidiadau poblogaeth yr un peth ym mhob rhan o'r ddinas.

Gan fod rhieni'n gallu nodi eu hysgolion o ddewis, byddai rhai ysgolion yn parhau i gael niferoedd newydd uchel. I ysgolion eraill bydd yr effaith ar niferoedd disgyblion yn llawer mwy na'r cyfartaledd ledled y ddinas.

Mae ysgolion yn derbyn y rhan fwyaf o'u hincwm ar sail niferoedd y disgyblion ar y gofrestr. Bydd gostyngiad yn nifer y disgyblion yn effeithio'n fawr ar gyllidebau rhai ysgolion. Mae hyn yn effeithio ar y cyfleoedd addysgu a dysgu y gall yr ysgolion hynny eu cynnig.

Mae'r Cyngor yn cynnig cydbwysu nifer y disgyblion mae ysgolion yn gallu eu derbyn yn well yng nghydestun y rhagamcanion o ran niferoedd. Byddai hyn felly yn cefnogi defnydd mwy effeithiol o gyllidebau'r ysgolion. Byddai hyn yn caniatáu i ysgolion ddefnyddio cyfran uwch o'u cyllideb ar gyfer addysgu a dysgu.

Cynllun Strategol Cymraeg mewn Addysg (CSCA) Caerdydd

'Cymraeg 2050 Miliwn o siaradwyr Cymraeg' yw strategaeth Llywodraeth Cymru ar gyfer cynyddu defnydd y Gymraeg. Mae'n nodi dull hirdymor Llywodraeth Cymru o gyrraedd y targed o filiwn o siaradwyr Cymraeg erbyn 2050.

Mae'n ofynnol i bob Awdurdod Lleol yng Nghymru gyflwyno Cynllun Strategol Cymraeg mewn Addysg. O fewn eu cynllun, mae'n rhaid iddyn nhw osod targed deng mlynedd ar gyfer y cynnydd disgwylidig ym mhylant Blwyddyn 1 sy'n cael eu haddysgu drwy gyfrwng y Gymraeg. Y targed a osodwyd i Gaerdydd gan Lywodraeth Cymru yw bod rhwng 25 a 29% o ddysgwyr Blwyddyn 1 yn cael eu haddysgu drwy gyfrwng y Gymraeg erbyn 2031. Ar hyn o bryd, tua 18% yw'r ffigwr hwn.

Darparu digon o leoedd cyfrwng Saesneg a cyfrwng Cymraeg

Yn y gorffennol, mae'r Cyngor wedi cynnal ymgynghoriad ar newidiadau i ddarpariaeth ysgolion er mwyn darparu cydbwysedd priodol o leoedd cyfrwng Cymraeg a chyfrwng Saesneg yn yr ardal.

Dangosodd canlyniad yr ymgynghoriad bod cefnogaeth ar y cyfan i ehangu addysg cyfrwng Cymraeg, er i faterion eraill gael eu codi.


Mae'r cynigion presennol yn mynd i'r afael â'r materion a lywiodd y cynigion cynharach. Mae'r cynigion yn ystyried y materion a godwyd yn ystod yr ymgynghoriad cynharach. Mae rhagor o wybodaeth am hyn i'w gael yn y Ddogfen Ymgynghori yn www.caerdydd.gov.uk/YsgolionGynraddCathaysGabalfa

Pa ysgolion sy'n cael eu cynnwys yn y cynigion?

Dyma'r ysgolion sydd wedi eu cynnwys yn y cynigion:

- Ysgol Gynradd Allensbank
- Ysgol Gynradd Gladstone
- Ysgol Gynradd yr Eglwys yng Nghymru y Santes Monica
- Ysgol Mynydd Bychan

Does dim newidiadau ar y gweill i ysgolion eraill yn y cynigion hyn.



Mae gwybodaeth fanylach am safleoedd ysgolion, llwybrau cerdded a phellteroedd yn y ddogfen ymgynghori lawn yn www.caerdydd.gov.uk/YsgolionGynraddCathaysGabalfa

Sut olwg sydd ar addysg gynradd yn yr ardal nawr?

Cyfrwng Saesneg

Gyda'i gilydd mae dalgylchoedd cyfunol Ysgol Gynradd Allensbank, Ysgol Gynradd Albany ac Ysgol Gynradd Gladstone, yn ffurfio dalgylch Ysgol Uwchradd Cathays. Mae'r dalgylch hwn yn gwasanaethu Cathays a rhannau o Gabalfa, y Mynydd Bychan, Ystum Taf a Phlasnewydd.

Mae Ysgol Gynradd yr Eglwys yng Nghymru y Santes Monica, Ysgol Gynradd Gatholig Sant Joseff yng Ngabalfa ac Ysgol Gynradd Gatholig Sant Pedr ym Mhlasnewydd hefyd yn gwasanaethu'r cymunedau hyn.

Mae'r capasiti cyfunol presennol rhwng Ysgol Gynradd Albany, Ysgol Gynradd Allensbank ac Ysgol Gynradd Gladstone wedi darparu digon o leoedd i ateb y galw am addysg cyfrwng Saesneg o fewn y tair dalgylch dros y blynyddoedd diwethaf, pan oedd y nifer oedd yn cael eu derbyn i ysgolion ar lefelau uchel ledled y ddinas.

Cyfrwng Cymraeg

Mae Ysgol Mynydd Bychan yn gwasanaethu dalgylch sy'n cynnwys cymuned Cathays a rhannau o gymunedau Gabalfa, y Mynydd Bychan a Phlasnewydd.

Mae dalgylchoedd Ysgol y Wern, Ysgol Glan Ceubal ac Ysgol Melin Gruffydd i'w cael yn ffinio â dalgylch Ysgol Mynydd Bychan.

Mae Ysgol Mynydd Bychan wedi tanysgrifio'n llwyr ar gyfer derbyn i'r Dosbarth Derbyn ym mhob un o'r pum cylch derbyn diwethaf. Bob blwyddyn, roedd digon o leoedd mewn ysgolion mewn dalgylchoedd cyfagos i'r disgyblion nad oedd yn gallu cael eu derbyn i Ysgol Mynydd Bychan. Fodd bynnag, i blant o fewn dalgylch Ysgol Mynydd Bychan, roedd lleoedd ysgol cyfrwng Cymraeg eraill yn aml yn sylweddol bellach o'u cyfeiriad cartref.

Ni fyddai'r lefel a ragwelir o leoedd gwag rhwng y pedair ysgol yn ddigon i gynyddu nifer y bobl sy'n dewis addysg cyfrwng Cymraeg yn sylweddol yn y tymor hirach. Gallai newidiadau i ddalgylchoedd wella cydbwysedd lleoedd, ond ni fyddai hyn yn cefnogi twf hirdymor. Ni fyddai hyn yn gyfraniad digonol tuag at gyrraedd y targed twf sydd wedi'i osod yn CSCA Caerdydd.

Mae rhagor o wybodaeth am gefnogi twf hirdymor mewn addysg cyfrwng Cymraeg i'w gweld yn y Ddogfen Ymgynghori yn www.caerdydd.gov.uk/YsgolionGynraddCathaysGabalfa

Darpariaeth arall

Mae cymuned addysg ehangach Caerdydd yn cynnwys nifer o ysgolion annibynnol. Lleolir Ysgol Gynradd Fwslimaidd Caerdydd a Kings Monkton yng nghymunedau Cathays a Phlasnewydd yn y drefn honno.

A gafodd opsiynau eraill eu hystyried?

Mae gan Ysgolion Cynradd Albany, Allensbank a Gladstone ddigon o leoedd cynradd cyfrwng Saesneg rhyngddynt i ateb y galw a ragwelir. Mae nifer uchel o leoedd gwag yn gyffredinol.

Nid oes digon o le ar safle presennol Ysgol Mynydd Bychan i ganiatáu i'r ysgol ehangu. Nid oes safle gwag addas ar gael yn agos at yr ysgol a allai ddarparu ar gyfer Ysgol Mynydd Bychan fwy o faint. Mae'r Cyngor wedi ystyried opsiynau gwahanol o ran safle o fewn dalgylch presennol Ysgol Mynydd Bychan.

Does dim newidiadau yn cael eu cynnig ar safle Ysgol Gynradd Albany. Mae'r safle hwn yn fwy o bell o gyfeiriadau cartref disgyblion sy'n mynd i Ysgol Mynydd Bychan ar hyn o bryd. Mae gan yr ysgol hefyd lefel gymharol isel o leoedd gwag yn gyffredinol ac nid oes ganddi ystafelloedd dosbarth dros ben.

Ni chynigir symud Ysgol Mynydd Bychan i'r safle a rennir gan Ysgol Gynradd Gladstone ac Ysgol Gynradd yr Eglwys yng Nghymru Santes Monica ac ni chynigir darpariaeth cyfrwng Saesneg ar safle Allensbank. Byddai'r newidiadau hyn yn cael mwy o effaith ar deuluoedd sy'n mynychu ysgolion lleol ar hyn o bryd ac o bosib ar dderbyniadau yn y dyfodol.

Mae rhagor o fanylion am yr opsiynau a nodwyd a pham na chafodd opsiynau eraill eu hystyried i'w gweld yn y Ddogfen Ymgynghori yn www.caerdydd.gov.uk/YsgolionGynraddCathaysGabalfa

Sut fyddai'r newidiadau yn effeithio ar gyllidebau ysgolion a staff?

Mae cyllidebau ysgolion yn seiliedig i raddau helaeth ar nifer y plant sydd ar gofrestr pob ysgol. Mae ysgolion hefyd yn derbyn nifer o grantiau fel rhan o'u cyllideb. Mae ysgolion llai â lleoedd gwag yn cael mwy o anhawster cydbwysu eu cyllideb nag y mae ysgolion mwy o faint.

Wrth i nifer y plant sy'n dechrau addysg gynradd ostwng, mae nifer y staff sydd eu hangen yn ysgolion Caerdydd yn debygol o leihau, hyd yn oed pe na wnaed newidiadau i ysgolion.

Corff Llywodraethol pob ysgol sy'n penderfynu sut orau i ddefnyddio ei chyllideb i gefnogi addysgu a dysgu yn yr ysgol. Byddai unrhyw benderfyniadau sy'n cael eu gwneud o ran staffio yn fater i Gorff Llywodraethu pob ysgol.

Mae nifer y staff addysgu a dysgu sydd eu hangen ar gyfer ysgol gynradd mynediad dau ddosbarth mynediad (Opsiw 1) yn debyg i'r nifer sydd eu hangen ar gyfer dwy ysgol gynradd ag un dosbarth mynediad. Fodd bynnag, byddai'r math a'r nifer o rolau sydd eu hangen yn ddibynnol ar nifer y disgyblion sydd ar y gofrestr ac ar sefyllfa cyllideb yr ysgol.

Pe bai Opsiw 1 yn cael ei ddatblygu, mae disgwyl y byddai gostyngiad yn nifer y staff y byddai eu hangen mewn rhai rolau e.e., un Pennaeth a Dirprwy Bennaeth yn llai.

Byddai cau Ysgol Gynradd Allensbank ac Ysgol Gynradd Gladstone ac agor ysgol gynradd dau ddosbarth mynediad yn rhoi staff ysgolion cynradd mewn perygl posibl o gael eu diswyddo. Byddai angen rheoli hyn yn unol â'r Polisi Adleoli a Diswyddo Ysgolion.

Mae'r Cyngor yn ymrwymedig i sicrhau defnyddio cyfleoedd staff ysgolion yn y ffordd orau bosibl i sicrhau cyflogaeth mewn ysgolion eraill yng Nghaerdydd trwy adleoli i swyddi gwag mewn ysgolion eraill yng Nghaerdydd.

Byddai'r trefniadau hyn hefyd yn cael eu hystyried pe bai'r penderfyniad yn cael ei wneud i adleoli'r dosbarth Lleferydd ac Iaith o Ysgol Gynradd Allensbank i ysgol arall.

Sut byddai'r newidiadau'n cael eu hariannu?

Mae'r cynigion hyn yn caniatáu i'r Cyngor fuddsoddi yn yr adeiladau ysgol sy'n gwasanaethu'r ardal. Mae Llywodraeth Cymru wedi cytuno i ddarparu arian grant i gefnogi newidiadau i Ysgol Mynydd Bychan. Pe na bai newidiadau'n cael eu gwneud, ni fyddai'r Cyngor yn gallu cael mynediad i'r cyllid hwn. Byddai arian i gefnogi newidiadau eraill i adeiladau ysgolion ar gael gan y Cyngor.

Ni fyddai unrhyw arbedion i'r Cyngor o ganlyniad i'r newidiadau arfaethedig. Ni fyddai'r newidiadau'n arwain at ostyngiad yng nghyllidebau ysgolion. Byddai unrhyw arbedion effeithlonrwydd o gostau arweinyddiaeth llai a chostau eraill yn caniatáu i gyllid gael ei ddyrannu'n fwy effeithiol yng nghyllideb pob ysgol. Pe bai Opsiwn 1 yn cael ei ddatblygu, byddai'r newidiadau i fformiwla cyllideb ysgolion tua £98,000 y flwyddyn. Byddai hyn yn cael ei glustnodi i'r ysgol newydd am gyfnod o dair blynedd ac yn cael ei ddsbarthu rhwng cyllidebau pob ysgol yn y blynyddoedd wedi hynny.

Pa effaith fyddai ar y disgyblion sy'n mynd i'r ysgolion?

Os bydd Ysgol Gynradd Allensbank ac Ysgol Gynradd Gladstone yn cau ac ysgol cyfrwng Saesneg newydd yn cael ei hagor (Opsiwn 1), byddai pob disgybl sy'n mynd i Allensbank neu Gladstone yn cael cynnig cyfle i drosglwyddo i gofrestri'r ysgol gynradd newydd oni bai eu bod yn dymuno trosglwyddo i ysgol arall.

Os bydd Ysgol Gynradd Allensbank yn symud safle a rennir gan Ysgol Gynradd Gladstone ac Ysgol Gynradd yr Eglwys yng Nghymru Santes Monica (Opsiwn 2), byddai disgyblion sy'n mynd i Allensbank yn dal i fynd i'r ysgol yn ei safle newydd, oni bai eu bod eisiau symud i ysgol arall.

Os bydd Ysgol Gynradd yr Eglwys yng Nghymru Santes Monica yn symud i safle Ysgol Mynydd Bychan, byddai disgyblion sy'n mynd i Santes Monica yn dal i fynd i'r ysgol yn ei safle newydd, oni bai eu bod eisiau symud i ysgol arall.

Os bydd Ysgol Mynydd Bychan yn symud i safle Ysgol Gynradd Allensbank, byddai disgyblion sy'n mynd i Ysgol Mynydd Bychan yn dal i fynd i'r ysgol yn ei safle newydd, oni bai eu bod eisiau symud i ysgol arall.

Mae gan y Cyngor brofiad sylweddol o gyflawni prosiectau adeiladu ar safleoedd ysgolion presennol.

Os oes unrhyw un o'r newidiadau arfaethedig yn mynd yn eu blaen, byddai swyddog prosiect arweiniol yn cydweithio â'r cyrff llywodraethu perthnasol ym mhob ysgol. Byddent yn goruchwyllo datblygiad rhaglen fuddsoddi fanwl. Byddai'r rhaglen hon yn cynnwys y gwaith arfaethedig, trefniadau pontio, iechyd a lles disgyblion a staff ac amserlenni. Lle bynnag y bo'n bosibl, byddai gwaith yn digwydd yn ystod y gwyliau ysgol er mwyn lleihau unrhyw effaith bosib ar addysgu a dysgu.

Fel rhan o'r ymgynghoriad bydd y Cyngor yn holi barn disgyblion yr ysgolion a bydd unrhyw faterion sy'n cael eu codi yn llywio unrhyw gynlluniau gwaith yn y dyfodol.

Darpariaeth Anghenion Dysgu Ychwanegol

Mae yna ddsbarth ymyrraeth gynnar Lleferydd ac Iaith sy'n cael ei gynnal gan Ysgol Gynradd Allensbank. Mae hwn yn ddsbarth sy'n gwasanaethu'r ddinas gyfan o ran dysgwyr fyddai fel arfer yn mynychu ysgolion eraill ond sydd angen cymorth ychwanegol.

Pe bai Ysgol Gynradd Allensbank yn cau, ac ysgol newydd yn agor (Opsw'n 1) byddai angen i Gyngor a Chorff Llywodraethu'r ysgol ystyried a ddylid cynnwys y dosbarth Lleferydd ac Iaith yn yr ysgol newydd neu ei leoli mewn ysgol arall.

Pe bai Ysgol Gynradd Allensbank yn symud i rannu safle Ysgol Gladstone (Opsw'n 1) byddai angen i'r Cyngor a Chorff Llywodraethu'r ysgol ystyried a ddylid cadw'r dosbarth Lleferydd ac Iaith yn yr ysgol neu ei leoli mewn ysgol arall.

Pe bai Ysgol Gynradd Allensbank yn symud i safle presennol Ysgol Mynydd Bychan, byddai'r Cyngor yn lleoli'r dosbarth Lleferydd ac Iaith mewn ysgol arall.

Pe bai Ysgol Mynydd Bychan yn symud i safle Ysgol Gynradd Allensbank, gallai'r Cyngor ystyried agor canolfan adnoddau arbenigol cyfrwng Cymraeg. Byddai angen cynigion ar wahân ar gyfer hyn, yn ddiweddarach.

Safonau

Mae'r Cyngor yn gweithio'n agos gyda chyrrff llywodraethu ysgolion i sicrhau bod y safonau mewn ysgolion yn uchel, bod yr addysgu'n dda a bod yr arweinyddiaeth a'r llywodraethu'n gryf.

Mae'r safonau yn y pedair ysgol sydd wedi'u cynnwys yn y newidiadau arfaethedig yn dda.

Mae agor ysgol gynradd cyfrwng Saesneg newydd dau ddsbarth mynediad, y cynnig i ehangu Ysgol Mynydd Bychan i ddau ddsbarth mynediad ac agor darpariaeth feithrin yn Santes Monica yn rhoi cyfle i fanteision addysgol. Gallai'r ysgolion adeiladu ar y cynnydd presennol, gan sicrhau effaith gadarnhaol ar ansawdd a safonau addysg disgyblion y presennol a'r dyfodol.

Ni fyddai cael Ysgol Gynradd Allensbank ac Ysgol Gynradd Gladstone yn ddwy ysgol ar wahân mewn safle a rennir yn caniatáu gwireddu manteision ysgol â dau ddsbarth mynediad. Fodd bynnag, gellid sicrhau rhai o'r manteision addysgol yn Ysgol Gynradd Allensbank ac Ysgol Gynradd Gladstone pe bai'r ysgolion yn cytuno i gydweithio neu ffederaleiddio'n ffurfiol.

Beth yw manteision y cynnig?

Mae manteision y cynigion yn dibynnu ar yr opsiwn sy'n cael ei ddatblygu.

Yn gyffredinol, byddai'r newidiadau a gynigir yn:

- cynnal nifer presennol y lleoedd cynradd cyfrwng Saesneg sy'n gwasanaethu'r ardal leol, neu yn eu lleihau ychydig bach iawn.
- sicrhau bod pob darpariaeth ysgol a gynigir yn bodloni anghenion amrywiol y gymuned leol
- arwain at lai o blant yn cael eu gwrthod gan ysgol leol
- sicrhau bod pob darpariaeth ysgol a gynigir yn diwallu anghenion amrywiol y cymunedau y mae'n eu gwasanaethu ar hyn o bryd ac yn gallu eu gwasanaethu yn y dyfodol
- fel isafswm, yn cynnal y safonau addysg presennol a galluogi pob ysgol i barhau i wella addysg i'w holl ddysgwyr
- caniatáu i bob un o'r safleoedd ysgol aros yn safleoedd ysgol fel bod digon o le ar gyfer newidiadau yn y boblogaeth yn y dyfodol.
- cefnogi cynnydd tuag at dargedau'r Cynllun Strategol Cymraeg mewn Addysg (CSCA) a Chymraeg 2050
- cefnogi Ysgol Mynydd Bychan i gynnal a pharhau i adeiladu ar ei safonau rhagorol
- caniatáu i fwy o blant elwa o'r addysg sydd ar gael yn Ysgol Mynydd Bychan
- cefnogi ysgolion i fod yn fwy cynaliadwy yn ariannol, gan wneud gwell defnydd o'u hadnoddau

Byddai agor ysgol gynradd cyfrwng Saesneg dau ddsbarth mynediad newydd a chynyddu Ysgol Mynydd Bychan i fod yn ysgol dau ddsbarth mynediad yn gwneud y canlynol:

- creu patrwm mwy economaidd gynaliadwy o ddarpariaeth ysgol yn yr hirdymor
- cefnogi ysgolion i fod yn gynaliadwy yn ariannol mewn patrwm gwell o ddarpariaeth
- cynorthwyo ysgolion i ddyrannu cyfran uwch o gyllideb i addysgu a dysgu, a thrwy hynny gadw a chynyddu cyfleoedd i ddysgwyr
- mae ysgolion dau ddsbarth mynediad yn caniatáu mwy o hyblygrwydd a chyfleoedd i ddisgyblion nag y mae ysgolion llai
- gall ysgol dau ddsbarth mynediad gynnig mwy o sefydlogrwydd ar bob lefel o arweinyddiaeth
- gallai'r ysgol gyflogi mwy o staff addysgu a chymorth gydag ystod ehangach o wybodaeth ac arbenigedd
- byddai mwy o gyfleoedd i ddatblygu staff yn broffesiynol e.e., athrawon newydd gymhwyso a all arsylwi'r athrawon eraill yn y grŵp blwyddyn.
- rhoi cyfleoedd i staff addysgu i'w cryfderau gan sicrhau bod dysgwyr yn cael y profiad addysg gorau posib
- golygu mwy o athrawon yn arwain ar Feysydd Dysgu, ynghyd ag Addysg Grefyddol, Addysg Rhyw a Chydberthynas a Chymhwysedd Digidol
- creu mwy o gyfleoedd i gynnig ystod ehangach o weithgareddau allgyrsiol
- creu mwy o gyfleoedd ar gyfer arweinyddiaeth wasgaredig

Byddai symud Ysgol Gynradd Allensbank i'r safle presennol a rennir gan Ysgol Gynradd Gladstone/ sgol Gynradd yr Eglwys yng Nghymru Santes Monica yn gwneud y canlynol:

- cefnogi ysgolion i fod yn gynaliadwy yn ariannol drwy gydweithredu/ffederasiwn

Byddai sefydlu darpariaeth feithrin yn Ysgol Gynradd yr Eglwys yng Nghymru Santes Monica yn:

- sicrhau parhad darpariaeth sy'n adlewyrchu ethos a diwylliant yr ysgol
- cefnogi'r gwaith o ddatblygu cysylltiadau cryf ac effeithiol rhieni â'r ysgol o'r cyfle cyntaf posibl
- hwyluso'r broses bontio i blentyn oed meithrin wrth fynd i'r Dosbarth Derbyn (lle mae'r cais am le yn y Dosbarth Derbyn wedi bod yn llwyddiannus)
- galluogi adnabod grwpiau sy'n agored i niwed yn gynnar. Byddai hyn yn golygu y gellir nodi anghenion plant cyn mor gynnar â phosibl
- rhoi cyfle i blant fynd i'r ysgol feithrin ar yr un safle â'u brodyr a'u chworydd hŷn. Dylai hyn fod yn gadarnhaol i rieni a lleihau'r anawsterau o anfon brodyr a chworydd at ddarparwyr gofal plant gwahanol.
- sicrhau parhad a dilyniant rhwng y Blynyddoedd Cynnar a'r Cyfnod Sylfaen, gan wella'r cyfle i fynd i'r afael yn briodol ag anghenion datblygiadol a diwylliannol unigol



Beth yw anfanteision posib y cynigion??

- mae potensial am fwy o dagfeydd traffig o amgylch safle presennol Ysgol Gynradd Allensbank a'r safle presennol a rennir rhwng Ysgol Gynradd Gladstone ac Ysgol Gynradd yr Eglwys yng Nghymru y Santes Monica ar ddechrau a diwedd y diwrnod ysgol. Fodd bynnag, byddai'r Cyngor yn gweithio gyda Chyrff Llywodraethu'r ysgolion i ddatblygu Cynllun Teithio i leihau unrhyw darfu posibl
- byddai'r cynnig yn Opsiwn 1 i gau Ysgol Gynradd Allensbank ac Ysgol Gynradd Gladstone yn arwain at golli dau sefydliad hanesyddol sy'n cael eu gwerthfawrogi gan eu cymunedau.
- byddai'r cynnig yn Opsiwn 3 i leihau nifer y lleoedd yn Ysgol Gynradd Allensbank yn arwain at ostyngiad bach iawn yn nifer y lleoedd mewn ysgolion cynradd cymunedol cyfrwng Saesneg.

Beth yw risgiau'r cynigion?

- mae perygl y gallai'r galw am leoedd cyfrwng Saesneg gynyddu yn y dyfodol. Fodd bynnag, bydd y Cyngor yn monitro'r galw dros y blynyddoedd nesaf i sicrhau bod digon o leoedd i'r rhai sy'n dymuno addysg cyfrwng Saesneg. Gan fod y cynigion yn cadw'r holl safleoedd presennol ac am nad ydynt yn lleihau'r lle sydd ar gael mewn adeiladau ysgol, mae hyblygrwydd ar gyfer unrhyw newidiadau yn y dyfodol.
- mae perygl na fydd cynnydd yn nifer y disgyblion sydd am gael lleoedd Cymraeg. Bydd y Cyngor yn parhau i adolygu ei amcanestyniadau a byddai'n ymateb i unrhyw newidiadau o'r fath yn y galw os bydd angen.
- mae effaith bosibl ar ysgolion cyfrwng Cymraeg cyfagos. Fodd bynnag, disgwylir i hyn fod yn fyrdymor wrth i nifer y disgyblion sy'n mynychu darpariaeth cyfrwng Cymraeg yn tyfu fel rhan o ddatblygiad y Cynllun Strategol Cymraeg mewn Addysg (CSCA).
- mae perygl y bydd tarfu posib ar ddisgyblion yn ystod y cyfnod pontio. Fodd bynnag, mae gan y Cyngor brofiad sylweddol o gyflawni prosiectau adeiladu ar safleoedd ysgolion presennol. Byddai unrhyw waith adeiladu a wneir yn cael ei reoli'n effeithiol mewn ymgynghoriad â'r ysgol i sicrhau bod y cwricwlwm llawn yn parhau i gael ei gyflwyno a bod safonau addysg uchel a safonau diogelwch yn cael eu cynnal.
- os caiff Opsiwn 2 ei ddatblygu, gallai Cyrff Llywodraethu Ysgol Gynradd Allensbank ac Ysgol Gynradd Gladstone benderfynu peidio â bwrw ymlaen â gwaith cydweithredol neu ffederasiwn.

Beth sy'n digwydd nesaf?

Bydd y Cyngor yn casglu ac yn crynhoi'r adborth a ddaw o'r ymgynghoriad hwn. Yna bydd swyddogion y Cyngor yn adrodd hyn i Gabinet y Cyngor ac i Gorff Llywodraethu Ysgol Gynradd yr Eglwys yng Nghymru Santes Monica.

Os yn dilyn yr ymgynghoriad y cytunir fod y cynigion yn mynd yn eu blaenau, mae nifer o gamau pellach y bydd yn rhaid i'r Cyngor ac Ysgol Gynradd yr Eglwys yng Nghymru Santes Monica eu cymryd cyn y gwneir penderfyniad terfynol.

Os yw'r Cabinet a Chorff Llywodraethu Ysgol Gynradd yr Eglwys yng Nghymru Santes Monica ill dau'n penderfynu parhau â'r newidiadau, rhaid i'r ddau gyhoeddi 'hysbysiad statudol'. Datganiad swyddogol yw hwn sy'n nodi sut bydd y newidiadau'n mynd rhagddynt.

Mae'r hysbysiad statudol yn nodi manylion y cynigion ac yn gofyn i unrhyw un sydd am wrthwynebu wneud hynny. Rhaid i wrthwynebiadau fod yn ysgrifenedig. Rhaid eu cyflwyno o fewn y dyddiadau a nodir yn yr hysbysiad.

Gallai'r Cabinet benderfynu cymeradwyo neu wrthod y cynigion ar gyfer Ysgol Gynradd Allensbank, Ysgol Gynradd Gladstone ac Ysgol Mynydd Bychan, neu gallent gymeradwyo'r cynnig gyda rhai newidiadau (addasiadau). Byddai'r Cyngor yn ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Pe na bai gwrthwynebiad i'r cynnig ar gyfer Ysgol Gynradd yr Eglwys yng Nghymru Santes Monica, y Corff Llywodraethol fyddai'n penderfynu ar y cynnig.

Pe bai gwrthwynebiadau i'r cynnig ar gyfer Ysgol Gynradd yr Eglwys yng Nghymru Santes Monica, y Corff Llywodraethol fyddai'n penderfynu ar y cynnig.

Ble gallaf gael rhagor o wybodaeth?

Mae'r manylion llawn i'w gweld yn y Ddogfen Ymgynghori
www.caerdydd.gov.uk/YsgolionGynraddCathaysGabalfa